



Maršala Tita 25, 71000 Sarajevo

Broj: 150-15-4-2133-8 /21 MM
Sarajevo, 13.12. 2021. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine i broj: UV-104-01-1-1425-15/21 od 29.06.2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

ODLUKU

o izboru najpovoljnijeg ponuđača u postupku javne nabavke roba – rezervni dijelovi sa ugradnjom za održavanje vozila

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku roba – rezervni dijelovi sa ugradnjom za održavanje vozila za potrebe Centralnog ureda Centralne banke Bosne i Hercegovine, putem otvorenog postupka, na period od dvije godine, dodjeljuje ponuđaču KARE d.o.o. Sarajevo, u svemu prema Ponudi SK 29421/21 od 22.11.2021. godine.

Član 2.

Ponuda ponuđača iz člana 1. ove odluke, iznosi

24.984,00 KM bez PDV-a

(slovima: dvadesetčetiri hiljadestotinaosamdesetčetiri konvertibilne marke i 00/100)

odnosno

29.231,28 KM sa uračunatim PDV-om

(slovima: dvadesetdevet hiljadadvijestotinetridestjedna konvertibilna marka i 28/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za zajedničke poslove i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova Odluka će se objaviti na web stranici Centralne banke www.cbbh.ba istovremeno s upućivanjem obavještenja o rezultatima postupka ponuđačima koji su učestvovali u postupku

javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke roba – rezervni dijelovi sa ugradnjom za održavanje vozila, pokrenut je Odlukom, broj: 150-15-4-2133-2/21 MM od 02.11.2021. godine. U skladu s tim, Centralna banka je 05.11.2021. godine na portalu Javnih nabavki objavila Obavještenje o nabavci broj: 1370-1-1-499-3-294/21. U predviđenom roku za dostavljanje ponuda, do 22.11.2021. godine do 10:00, blagovremeno su dostavljene tri ponude ponuđača:

- KARE d.o.o. Sarajevo,
- PORSCHE INTER AUTO BH d.o.o. Sarajevo i
- TOTAL TRADE d.o.o. Doboj.

Evaluacijom pristiglih ponuda nadležna Komisija za provođenje ovog postupka javne nabavke (u daljem tekstu: Komisija), konstatovala je da dostavljene ponude ispunjavaju sve uslove tražene tenderskom dokumentacijom, ali da ponude ponuđača Porsche Inter Auto BH d.o.o. Sarajevo i TOTAL TRADE d.o.o. Doboj sadrže računsku grešku u obrascu za cijenu ponude. Od navedenih ponuđača je dana 26.11.2021. godine putem e-maila traženo da prihvate ispravku računске greške u skladu sa odredbama Zakona o javnim nabavkama.

Ponuđač Porsche Inter Auto BH d.o.o. Sarajevo nije dostavio saglasnost na ispravku računске greške onako kako je to od njega traženo. Ponuđač jeste dostavio blagovremeno dopis kojim je dao saglasnost na ispravku računskih grešaka koje je komisija ispravila. Međutim, ponuđač je promijenio iznos ponuđenog popusta, iako iznos ponuđenog popusta nije računska greška. Promjenom cijene ponuđenog popusta, ponuđač je unio element pregovora u otvoreni postupak, što nije dopušteno prema članu 65. stav (3) Zakona o javnim nabavkama, te se njegova ponuda odbacuje.

Ponuđač TOTAL TRADE d.o.o. Doboj u ostavljenom roku nije dostavio saglasnost za ispravku računске greške, te se njegova ponuda odbacuje shodno članu 68. stav (4) tačka g) Zakona o javnim nabavkama.

Komisija je Zapisnikom o pregledu i ocjeni ponuda, broj: 149-15-4-2227-7/21 i Izvještajem o radu sa preporukom, broj: 149-15-4-2227-8/21, oba od 06.12.2021. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za zajedničke poslove;
- Ponuđačima (original)
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).

GUVERNER
dr. Senad Softić

